

समे – 12:25

<><><><><>

एह आकाशवाणी जम्मू ऐ, हुन तुस श्रुति खजूरिया कोला खबरां सुनो।

LG-MSME

उपराज्यपाल मनोज सिन्हा होरें लौहके, भलेया लौहके ते दरमेयाने दर्जे दे उद्यमें यानि एमएसएमई कनक्लेव 2025 गी संबोधत कीता जेहदा आयोजन भारतीय बपारसंघ आस्सेआ कीता गेदा हा। अपने संबोधन च उपराज्यपाल होरें जम्मू कश्मीर च उद्यमियता गी बढ़ावा देने लेई केन्द्र सरकार आस्सेआ हर मुमकिन मदाद दा भरोसा दोआया। उनें आखेआ जे भारत सरकार एहदे लेई पूरी चाल्ली वचनबद्ध ऐ। इस मौके पर उपराज्यपाल होरें उद्यमिएं बैंकर निवेशकें, कारोबारिएं ते माहिरें दा सुआगत कीता ते इस खेत्तर च मौके तलाशने ते रली मिलियै कम्म करने दा आह्वान कीता। उपराज्यपाल होरें अग्रे आखेआ जे उंदा मकसद जम्मू कश्मीर गी उमिता केन्द्र ते रोजगार दे मौके पैदा करने दा इक प्रमुख केन्द्र बनाना ऐ।

<><><><><>

Demand For Grants

खुराक नागरिक आपूर्ति ते उपभोक्ता मामले दे मंत्री सतीश शर्मा होरें घोषणा कीती जे जम्मू कश्मीर दे सब्बने 20एं जिलें च वाजिब भाएं आलियां 16 सौ दुकाना खोलियां जांगन। उनें विधानसभा दे सब्बै सदस्यें गी सलाह दित्ती जे ओह अपने अपने हल्कें च इनें दुकानें लेई लोड़चदा समेयान ते होरनी जरूरी चीजें बारे संज्ञान लैन तां जे जिनें थाहरें पर एह दकान खोलने दा समर्थ ऐ, ओहदे बारे पता लग्गी सकै। मंत्री होर एह गल्ल विधानसभा च अनुधान मंगे पर चर्चा दा परता दिंदे होई आखेआ। मंत्री होरें एह बी घोषणा कीती जे अगले शैक्षणिक सत्र 2025–26 थमां बक्ख–बक्ख पेशेवराना कोर्स च दाखले लेई ई–कौंसलिंग सरिस्ता बीओपीईई राएं कीता जाग।

<><><><><>

Climate Res Satation

उद्यमपुर दियां डिप्टी कमीशनर सलोनी राय होरें चनैनी सब–डिवीजन तैहत औंदे मंडलोट नत्थाटोंप ग्रां थाहर चला दे पर्यावरण अनुसंधान केन्द्र दे कम्मकाज दा जायजा लैता। उनें पत्नीटोंप थाहर प्रस्तावित पार्किंग आली सुविधा दा बी जायजा लैता। पर्यावरण अनुसंधान केन्द्र दे कम्में दा निरीक्षण करदे होई डिप्टी कमीशनर होरें मुत्तलका अफसरें गी हिदायत जारी कीती जे ओह परियोजना पर नेड़मी तक्क रखन ते इसी समें सिर पूरा करोआने दे कन्नो कन्नी एहदे म्यार गी बी बनाई रखन। उनें कम्में दी रफतार गी बधाने लेई आखेआ। मगरा डिप्टी कमीशनर होरें मुत्तलका अफसरें गी हिदायत कीती जे ओह पत्नीटोंप थाहर पार्किंग सुविधा विकसित करने आले कम्में गी बी तेज करन तां जे यात्रुएं गी सहूलत होई सकै।

<><><><><>

Banks Open

देसै दे सारे बैंक करदाताएं दी सुविधा आस्तै 31 मार्च 2025 गी सार्वजनिक छुट्टी दे बावजूद लैन देन आस्तै खुल्ले दे रौंगन। रिजर्व बैंक नै आखेआ जे चालू माली बरें च गै सरकारी प्राप्तिएं ते भुगताने दा लेखा जोखा रखने आस्तै मुख्य भरै च कम्म गी संचालित करने आस्तै इंतजाम कीते गे न। रिजर्व बैंक नै बैंकें गी बक्खरे तौर पर निर्देश जारी करदे होई 31 मार्च गी आम घ्याड़े आला लेखा कम्म करने लेई शाखा खुली रखने गी आखेआ ऐ।

<><><><><>

Orientatiob Training

उधमपुर जिले च 20 मार्च 2025 गी चुने दे हज अकीरतमेद लेई मनासकै हज दा सरिस्ता कीता जाग। इस दरान उनेंगी हज सरबंधी विधि विधान बारे जानकारी कार्यक्रम जामिया मस्जीदें ईदगाह आदर्श कालोनी च होग। हज कमेटी दे कार्यकारी अधिकारी हुंदे आस्सेआ जारी इतलाह मूजब सिखलाई प्रोग्राम 20 मार्च गी होग। उधमपुर जिले दे सारे चुने गेदे श्रद्धालुएं गी आखेआ गेआ ऐ जे ओह तैह समें, तरीकेबद्ध ते थाहर पर जान ते सरबंधी सिखलाई ते तौर तरीके बारे जानकारी हासल करन।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 120मीं किश्त होग। कार्यक्रम च शामिल करने लेई लोक अपने बचार ते सुझाह 28 तरीक तगर टोल फ्री नंबर 1800—11—7800 पर भेजी सकदे न। एहदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एह कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहदे कन्नो कन्नी एहदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग। एहदा डोगरी अनुवाद तुस रातीं 8 बजे इक बारी परतिये सुनी सकदे ओ।

<><><><><><>

Kabaddi

कौड्डी दे विश्व कप 2025 च अज्ज संजा इंग्लैंड च बॉल्लर हैम्टन मैदान च भारत दी मर्दे ते महिलाएं दियां दवै टीम उत्तरगंन। भारतीय समें मताबक साढ़े 5 बजे महिला टीम दा मकाबला गुप—डी दी पेल्स टीम कन्नै होग जिसलै जे रातीं साढ़े 10 बजे मर्दे दी टीम दा मकाबला स्काटलैंड कन्नै होग। कौड्डी विश्व कप 2025 दी शुरूआत कल होई ह ीते पैहले रोज भारती मर्दे दी टीम नै इटली गी 64—22 कन्नै हराइयै अपने अभियान दी शुरूआत कीती ही। एहदे शा पैहले उद्घाटनी मैच च मेजबान इंग्लैंड नै हंगरी गी 101—25 कन्नै हराया ऐ।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 120मीं किश्त होग। कार्यक्रम च शामिल करने लेई लोक अपने बचार ते सुझाह 28 तरीक तगर टोल फ्री नंबर 1800—11—7800 पर भेजी सकदे न। एहदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एह कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहदे कन्नो कन्नी एहदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग। एहदा डोगरी अनुवाद तुस रातीं 8 बजे इक बारी परतिये सुनी सकदे ओ।

<><><><><><>

Gaza

गाजा दे सेहत मंत्रालय मूजब गाजा पट्टी छ इजरायली बहाई हमले च महिलाएं ते बच्चे सनें 200 थमां मते फिलिरुतीनिएं दी मौत होई गई ऐ। एह हमला इजरायल ते हमास बश्कार संघर्ष विराम वार्ता दे विफल होने दे बाद होआ ऐ, जेहड़ा संघर्ष विराम दे अगले चरण दी शर्तें बारे च असहमति करी विफल होई गई ही। इजरायली सुरक्षा अजेंसी हमले दी पुष्टि कीती ऐ।

<><><><><><>